

摘藻堂四庫全書薈要

史部

欽定四庫全書薈要

史部

御批歷代通鑑輯覽卷四

詳校官原任編修臣徐立綱

欽定四庫全書蒼要卷七千四百五十七

御批歷代通鑑輯覽卷四

周

年東遷

成王營洛邑平王徙都之謂之王城是為東周

始命秦為諸侯錫

晉侯仇命

王避犬戎難東徙洛邑秦

襄公

以兵送王王封

襄公

為諸侯

爵為伯

賜之岐以西之地秦于是始國與諸侯

蘇軾謂魯東遷計未有如東遷之謬此言誠然但謂平王若不遷以形執東臨諸侯諸侯尚未敢貳此則不然平王本非撥亂



反正之才並無  
奮發有為之志  
縱使仍都豐鎬  
亦唯苟安旦夕  
終于不振而已  
其能西却犬戎  
東撫諸夏乎且  
當時亦必有不  
得不遷之執矣

通使聘享之禮又策命晉侯

書序平王錫晉侯秬賜  
晉主贊作文侯之命

以河內

今河南  
襄慶府

附庸晉于是始大

呂氏祖謙曰由此而上則為成康為文武由此  
而下則為春秋為戰國乃消長升降之交會

秦祠上帝于西時

時音市封  
土而祠也

秦伯既封居西垂自以為主少昊之神乃作西時祠

白帝其牲用駟

赤馬  
黑鬣

駒黃牛羝羊

詩傳  
牡羊

各一

司馬氏遷曰秦襄公始封為諸侯遂作  
西時用祀上帝僭端見矣君子懼焉

百祭

三年以鄭伯掘突為司徒

鄭桓公為司徒死犬戎之難王于是復命其子掘突

纘乃父之職國人愛之為作緇衣之詩

詩序鄭風緇衣美武公也

巳卯九年秦東徙汧渭

注俱見前

之會

今陝西鳳翔府隴州有秦城元和志秦文公徙

此

秦襄公卒子文公嗣文公東獵至汧渭之會曰昔周

邑我先秦嬴于此

考非子封秦地在今秦州此云邑我先秦嬴蓋非子息馬時食邑也

後卒獲為諸侯乃卜居之

于是秦初有史以紀事

已而作郿

音

手

時用三字祠白帝

史記封禪書秦文公夢黃蛇自天下屬地其口止于郿河公問

史敦敦曰此上帝之徵君其祠之于是作邠時  
索隱曰邠地各後為縣屬馮翊衍山陵間也

癸未

十有三年衛公和卒

註曰武公史記衛武公平戎有功王命為公卒于莊公揚立

衛公年九十五猶歲傲于國曰自卿以下至于師長  
士苟在朝者無謂我耄而舍我必恪恭于朝夕以交  
戒我于是作懿戒以自儆  
懿讀作抑即大雅抑之詩 及其歿也謂  
之睿聖武公

己丑 十有九年戊申

申國注見前

王以母家申國迫近彊楚數被侵伐遣兵遠戍戍者

怨思作揚之水詩以刺

詩序王風揚之水刺平王也  
不撫其民而遠屯戍于母家

周人怨思焉

朱子曰申侯與天戎攻宗周弑幽王則申侯者平王不共戴天之讎也今平王知有母而不知有父知其立己為有德而不知其弑父為可怨至使復讐討賊之師反為報施酬思之舉其忘親逆理已甚矣且不

能行威令于天下無以保其母家乃勞民遠戍其衰懦微弱又可見矣詩亡而後春秋作其不以此也哉

辛卯

二十有一年秦伯獻戎捷

秦伯以兵伐戎戎敗走于是秦伯收周餘民有之地至岐岐以東獻之王時宗周宗廟宮室盡為禾黍大

夫行役過之閔周室之顛覆徬徨不忍去作黍離之

詩

詩序王風黍離閔宗周也

丙申二十有六年晉侯

文侯子昭侯名伯

封其叔父成師

穆侯子文侯弟

是為桓叔于曲沃

漢書地理志河東郡聞喜故曲沃今聞喜縣屬山西絳州

晉大夫師服曰國家之立也本大而末小是以能固

故天子建國諸侯立家卿置側室

衆子也得立此一官

大夫有

貳宗

次子為貳宗以輔適子

士有隸子弟

自以其子弟為僕隸

今晉甸侯

也而建國本既弱矣其能久乎後曲沃盛彊晉室微



弱國內大亂

昭侯七年晉潘父弑昭侯而納桓叔不克晉人立昭侯于平是為孝侯孝侯八

年桓叔卒于解代是為曲沃莊伯莊伯弑孝侯于翼

國人攻之立孝侯于却是為鄂侯鄂侯卒莊伯復伐

晉王使虢公伐曲沃立

鄂侯于光是為哀侯

戊午 四十有八年魯侯

惠公弗湏孝公之子

請郊廟之禮

魯侯使宰讓請郊廟之禮于王王使史角往魯侯止

留也

路史角後在魯于是有墨翟之學

之

羅氏泌曰劉原父謂使魯郊者必周而非成王蓋平王之世也使成王已與魯則惠公不請矣孔子曰魯

之郊禘非禮也周公其衰

矣魯之郊豈所以尊公哉

程子謂成王之賜伯禽之受皆為非禮其言蓋引而未發東遷以後諸侯放恣因復樂之賜而弁及郊廟王室不綱從而評之

則溫賜之夫非  
自或王伯翁乎

魯侯弗湮卒

諡惠公

適子軌少庶長子息姑攝國行君事

是為隱公左傳  
惠公元妃孟子

卒繼室以聲子生隱公宋武公生仲子有文在其手  
曰為魯夫人故仲子歸于魯生桓公而惠公薨是以  
隱公立而奉之 宋武公名  
司空微子弟微仲八世孫

乙未 四十有九年

時天子微弱諸侯放恣賞罰不行後孔子修魯史作

春秋立百王之大法托始于是年

是年為魯  
隱公元年

金氏履祥曰此年以後編年紀事自有春秋左氏經  
傳今特舉其事係王室與闕于天下之故者而後書

鄭伯克段于鄆

今河南開封府鄆陵縣春秋鄭鄆邑縣西北有古鄆城

初鄭武公娶申侯女姜氏

是為武妻

生太子寤生及叔段

姜氏惡寤生愛段欲立之亟請于武公弗許武公卒

寤生立

是為莊公

姜氏為段請居京

京邑故城在今河南開封府滎陽縣東南

謂之京城大叔祭仲

鄭大夫與周祭伯別為一祭今河南開封府鄭州有祭城仲食

也曰都城過百雉國之害也公曰姜氏欲之焉辟害

詩序鄭風將仲子刺莊公也不勝其母以害其弟小不忍以致大亂焉

大叔完聚繕甲

兵具卒乘

詩序叔于田叔處于京繕甲治兵多才而好勇不義而得眾

將襲鄭夫

人姜氏將啟之公聞其期以車二百乘伐京京叛大

叔段段入于鄆公伐諸鄆大叔出奔共

古共國今河南衛輝府輝

縣遂寘姜氏于城賴

即臨賴故城在今河南許州臨賴縣西北

而誓之曰

不及黃泉無相見也既而悔之賴考叔為賴谷

在今河南

河南府登封縣賴水所出

封人聞之有獻于公公賜之食食舍肉

公問之對曰小人有母請以遺之公曰爾有母遺緊

我獨無語之故且告之悔對曰闕

同掘

地及泉隧而

相見其誰曰不然公從之遂為母子如初

今許州襄城縣有鄭

既知誓母之非  
乃從而相見是  
遂也特字叔  
用此以由信莊

不可謂非錫  
之一端耳

莊公城相傳為

莊公見母處

使宰咺歸魯侯仲子之賵

撫鳳反公羊傳宰者何官也  
咺者何名也仲子者何桓之

母也何以不稱夫人桓未君也賵者何喪  
事有賵車馬曰賵貨財曰賵衣被曰襚

此王室下交諸侯之始

金氏履祥曰左氏傳于隱公之篇多誤如仲子之賵  
誤以隱妻子氏之薨為仲子故此以仲子為未薨而  
王賵之為據凶事也考文之四年成風薨五年王使  
榮叔歸含且賵以此例之歸賵當是惠公仲子俱歿  
之後其歿在春秋之  
前左氏蓋誤解矣

祭伯

鄭樵氏族畧周公第七子封祭杜預左傳註陳留  
長垣縣有祭城今直隸大名府長垣縣有祭城

村如魯

非王命也此王臣私交之始

辛酉 五十有一年春二月己巳日有食之

三月王崩孫林立

是為桓公

鄭祭足帥師入寇

鄭伯為平王卿士

武公莊公世為王室卿士

平王貳于虢

此南虢也平王

東遷虢仲之後徙于上陽是為南虢上陽城在今河南陝州考路史虢有四一曰西虢仲所封一曰東虢叔所封後為鄭滅一曰南虢仲之後所徙其留岐者為小虢後為秦滅不在四虢之數一曰北虢亦仲之

後別為男爵班固曰北魏在大陽是也  
大陽漢縣故城在今解州平陸縣  
鄭伯怨平王于

是周鄭交質及是平王崩王即位將畀虢公政四月

鄭祭足帥師取溫

今河南懷慶府溫縣有古溫城周畿內溫邑

之麥秋又

取成周

注見前

之禾

武氏子求賻于魯

武氏周世卿吳氏澂曰子者父老而以子攝行卿之事

齊侯

僖公祿父獻公五世孫

鄭伯盟于石門

在今山東濟南府長清縣西南水經注水

瀆流移久已淪圯

此諸侯特相盟之始

桓王

壬戌元年衛州吁弑其君完

莊公子桓公

衛人殺州吁立晉

是為

宣公

初衛莊公娶齊女為夫人

是為莊姜

無子

左傳莊姜美而無子衛人為之

賦碩人

又娶陳女

是為厲嬀

生子蚤死陳女之娣

是為戴嬀

生子

完莊公立為世子公有嬖人生子曰州吁有寵而好

兵公弗禁石碏

衛大夫姬姓衛靖伯之後

諫公又弗聽碏子厚與

州吁游碏禁之不可莊公薨世子完立

是為桓公

石碏乃



請老至是州吁弑桓公而自立未能和其民

史記州吁新立

好兵衛人皆不愛

厚問于石碯碯曰王覲為可陳侯

桓公鮑胡公滿

十世孫

方有寵于王若朝陳使請必可得也厚從州吁

如陳石碯使告于陳曰此二人者實弑寡君敢即圖

之陳人執之而請涖于衛

請衛人自臨討之

衛人使右宰醜

涖殺州吁于濮

史記索隱濮在曹衛之間賈逵言陳地非也

石碯使其宰

孺羊肩涖殺石厚于陳迎桓公弟晉于邢

周公之後今直隸順

德府邢臺縣是

而立之

甲子三年京師饑

告饑于魯魯為請糴于宋衛齊鄭

鄭伯入朝

鄭伯朝王王不禮焉

怒其取麥未故弗禮

周公

桓公黑肩

言于王曰

我周之東遷晉鄭焉依善鄭以勸來者猶懼不既

其器

反至也

况不禮焉鄭不來矣

乙丑四年使凡伯

周公後為周卿士封凡故城在今衛輝府輝縣

聘于魯戎

氏羌別種

居中國者杜預左傳註陳留濟陽縣有戎城今山東曹州府荷澤縣故戎城是

伐之楚邱

衛地今曹

州府曹縣  
有楚邱亭以歸

初戎朝于周發幣于公卿

發陳財幣于公卿

凡伯弗賓至是

凡伯聘魯還戎伐之于楚邱以歸

丙寅 五年鄭以祊

注見前

易魯許田

近許之田今河南許州有魯城本許田後置邑

鄭伯請釋泰山之祀

天子有事于泰山諸侯皆從泰山之下諸侯各有湯沐邑鄭之

邑在祊而祀周公

成王營東都賜周公許田為魯朝宿之地後世因立公別廟焉鄭欲易許

田恐魯公以別廟為疑故請已廢泰山之祀而為魯祀周公

以泰山之祊易許田

祊近于魯許近于鄭鄭以天子不能復巡狩故各以其近者相易

遂歸祊于魯後魯

侯軌桓公即位鄭復以璧假許田乃卒易之

左傳桓公元年

修好于鄭

卒易祊田

范氏甯曰王室微弱無復方岳之會諸侯驕慢亦廢朝覲之事故鄭以湯沐之邑易魯朝宿之田也

以虢公忌父為卿士

金氏履祥曰鄭伯爭政之由桓王伐鄭之故

宋公齊侯衛侯盟于瓦屋

周地今開封府清川縣有瓦屋里

此參盟之始

穀梁傳諸侯之參盟于是始胡氏傳春秋謹參盟

長七年鄭伯以王命會齊侯魯侯伐宋

宋公不王

不共王職

鄭伯為王左卿士以王命告于齊魯

遂伐宋魯敗宋師于菅

古頑反宋地

鄭取郟

宋邑在今曹州府城武縣

是為南郟

及防

今山東兗州府金鄉縣西防城是

歸于魯是秋宋人衛人

入鄭

鄭不設備二國乘虛入之

蔡人從之伐戴

今河南歸德府考城縣有故戴城周

戴鄭伯圍戴克之取三師

程子鄭戴合攻取三國之衆

復以齊人

入郟

公羊作盛文王子叔武封注見前

以郟不會王命也

不會伐宋之命明

年鄭以齊魯入許

許莊公奔衛四岳後封注見前

使許大夫百里

奉許叔

莊公弟後復入于許

居許東偏公孫獲

鄭大夫

居許西偏

今許州長葛縣有東西二城  
即許叔與公孫獲分處地

李氏廉曰傳言鄭伯為王左卿士鄭之所以周旋王室不過為矯假報復之私非有夾輔之誠也敗宋入郟入許志得意滿而有媯葛之戰矣

己巳  
八年魯公子翬弑其君息姑而立軌

是為桓公

翬字羽請殺公子軌將以求大宰公曰為其少故也

吾將授之矣使營菟裘

邑名今兗州府泗水縣有菟裘城

吾將老焉

羽父懼反譖公于軌而請弑之公祭鍾巫

公為公子時為鄭所

獲禱于尹氏之主鍾巫館于窩氏

魯大夫

羽父使賊弑

公立軌而討寯氏

辛未

十年宋督

華父督宋戴公孫

弑其君與夷

殤公

及其大夫孔

父

孔子六世祖

初宋宣公

名力武公子

卒舍其子與夷而立弟和

是為穆公後

穆公疾召大司馬孔父而屬與夷焉使奉之孔父曰

羣臣願奉馮也

馮穆公子

公曰不可使馮出居于鄭遂卒

與夷立孔父為司馬督為太宰十年十一戰民不堪

命督宣言曰司馬則然遂殺孔父并弑殤公召公子

馮于鄭而立之

是為莊公公羊傳督將弒殤公以孔父生而存殤公不可得而弒于是先

攻孔父之家殤公救之皆死焉

魯侯會齊侯陳侯鄭伯于稷

宋地

以成宋亂

成平也宋有亂故為

會欲以平之

宋以部

國名文王之後是為北部注見前

大鼎賂魯侯齊陳鄭皆有

賂于是立華氏督遂相宋公魯取部大鼎納于太廟

臧孫達

魯孝公子彊字子臧是為僖伯其後以臧為氏子達是為哀伯

諫不聽

蔡侯鄭伯會于鄧

今許州鄧城是縣鄧城是



始懼楚也

壬申十有一年晉曲沃敗晉師于汾隰

汾水之邊左傳疏汾水出太原故汾

陽縣東南至河東汾陰縣入河故汾陽今山西忻州靜樂縣汾陰今山西蒲州府榮河縣

獲晉侯

哀侯

晉欒成

靖侯孫欒賔子賔食采于欒以邑為氏故城在今直隸趙州西北

死之

晉侯侵陘庭

今山西平陽府翼城縣東南有焚庭城志云即陘庭也

之田陘庭

南鄙啟曲沃伐翼

即翼城晉所都

曲沃伯稱

即武公莊伯子

逐晉侯

于汾隰夜獲之及欒成

諡共叔

稱止之曰苟無死吾以

子見天子令子為上卿制晉國之政辭曰民生于三

事之如一父生之師教之君食之惟其所在則致死

焉遂鬪而死

時晉人立哀侯子小子為君是為小子侯小子侯元年曲沃武公使韓萬弑哀

侯四年武公誘小子侯而殺之虢公林父以王命立

哀侯之弟緡于晉是為侯緡韓萬曲沃桓叔子食

采韓原因

以為氏

秋七月壬辰朔日有食之既

甲戌十有三年蔡人衛人陳人從王伐鄭

王奪鄭伯政鄭伯不朝王以蔡人衛人陳人伐鄭鄭

伯禦之為魚麗之陳先偏後伍伍承彌縫

司馬法車戰二十五

如葛之戰春秋  
不變也鄭於周  
至最親密通燕  
回當率先諸侯  
以奉王命乃因  
士界抗公政輒

與師入寇又拒  
王逆戰無君之  
罪著矣故謂鄭  
莊為春秋之首  
惡也可

乘為偏以車居前以伍次之乘偏之隙而  
彌縫閑漏也五人為伍此蓋魚麗陣法

戰于緡葛

鄭地或云即長葛也  
今長葛縣屬許州

蔡衛陳皆奔王卒亂鄭師攻之

王卒大敗祝聃射王中肩王亦能軍

殿而不奔

祝聃請從

之鄭伯曰君子不欲多上人况敢陵天子乎夜鄭伯

使祭足勞王且問左右

乙亥十有四年北戎

即山戎

伐齊鄭世子忽帥師救之遂敗

戎師

先是北戎侵鄭鄭人敗之

鄭為三覆以待戎戎人之  
前遇覆者奔祝聃逐之衷

戎師前後擊之戎師大敗 及是戎復伐齊齊侯使乞師于鄭鄭世

子忽帥師救齊大敗戎師獲其二帥大良少良甲首

被甲者首 三百以獻于齊初魯侯未昏于齊齊侯欲以其

女即文姜魯桓公夫人 妻忽忽辭人問其故忽曰人各有耦齊

大非吾耦也及敗戎師齊侯又請妻之固辭人問其

故忽曰無事于齊吾猶不敢今以君命奔齊之急而

受室以歸是以師昏也人其謂我何祭仲曰君多內

寵子無大援將不立三公子子哭子儀 皆君也弗從

子丙十有五年遷盟左傳注盟津也盟津即孟津注見前向今懷慶府濟源縣向城是之

民于邾

即邾郟陌注亦見前

盟向求成于鄭

王之八年以蘇忿生之田十二邑易鄭田盟向其二邑也不肯即鄭至是

而始求成焉

既而背之

背鄭歸王

鄭人齊人衛人伐盟向王遷

其民于邾

丁丑十有六年楚僭稱王

楚自熊渠八傳為若敖若敖再傳為蚡冒蚡冒之弟熊通弑蚡

冒子而自立始僭號稱王

楚子熊通伐隨

姬姓侯爵今湖北德安府隨州春秋隨國

俾請王室尊其

號隨為固請王不許熊通怒曰吾先鬻熊文王之師

也成王舉我先公令居楚蠻夷率服而王不加位我

自尊耳乃自立為王

是為楚武考金氏前編于楚  
僭號以後諸君始立之初則書

是為某分注之處則書楚某皆削王存諡以別于周  
天子今依之其引用左國史記諸書則仍從原文稱

王與隨人盟而去後周召隨侯

莊王七年

數以立楚為王

楚以隨背已伐隨熊通卒于師子熊貲立

是為楚文左傳楚武

王伐隨卒于栲木之下令尹鬬祁莫敖屈重除道梁  
澨營軍臨隨隨人懼行成莫敖以王命入盟隨侯而

還栲木山名在今湖北安陸府鍾祥縣東今尹莫  
敖楚官名鬬氏屈氏皆楚公族以邑為氏澨水名出

今湖北德安府夔州  
西北下流入潁水

庚辰十有九年鄭伯寤生卒

鄭莊公卒嫡庶爭立逾二十年今依俞氏臯叙說彙輯而

以左傳  
作注

鄭莊公娶鄧曼

鄧國曼姓今湖北襄陽府襄陽縣有鄧縣故城春秋鄧國地

生世

子忽

是為昭公

又納宋雍氏女曰雍姑生子突

是為厲公

又生

子亶子儀莊公卒忽立甫四月突自宋入于鄭忽出

奔

雍氏宗有寵于宋誘祭仲而執之使之立突祭仲乃以厲公歸而立之昭公奔衛

後祭仲

逐突

祭仲專厲公使其婿雍糾殺之雍姬告仲仲殺糾厲公奔蔡尋入居于櫟事在王二十三年

襟鄭邑即陽  
翟注見前

忽復立高渠彌弑之立子亶

初莊公將以高渠彌

為卿昭公固諫及昭公立渠彌懼其殺已  
逃弑之與祭仲共立于亶事在莊王二年

齊人殺子

亶

齊侯師于首止子亶會之高渠彌從祭仲稱疾不往齊人殺于亶而輟高渠彌事在莊王三年首

止衛地今歸德府睢州  
有首鄉劉昭曰首止也

祭仲立子儀子儀立十四年

祭仲

突使傅瑕殺之而復入

厲公自襟侵鄭獲傅瑕傅瑕請納公逆與之盟

傅瑕殺于儀及其二子而納厲公  
厲公入逆殺傅瑕事在僖王二年

甲申二十有三年使冢父如魯求車

公羊傳王者無求求車非禮也

王崩子伉立

是為莊王



莊王

元年衛侯朔出奔齊

初衛宣公烝于夷姜

宣公庶母

生急子

急詩序史記俱作及

屬諸右

公子為之娶于齊而美公取之

是為宣姜詩序邶風新臺衛宣納及之妻作新

臺于河上而娶之國人惡之而作是詩

生壽及朔屬壽于左公子

左傳注左

右膝之子因以為號疏左石公子蓋宣公之兄弟也

夷姜縊夫人

即宣姜

與朔構

急于公使諸齊使盜待諸莘

今山東東昌府莘縣有莘亭故城春秋衛地

壽告急于使行不可壽飲以酒載其旌以先

史記宣公與及

按大紀宣公十八年納及是其平生壽及朔即於其年朔既殺壽中死是則說者身死皆皆甫生數月之子為情理所必無凡宣公元後宣姜亦殺之而在傳所云齊人使昭伯燕於宣姜不可強之而後生三男二女既已

失御之過婦又何待強而老婦連王五子又必無之事紀載家失實焉理莫有甚於此者故為之考證如右

白旄告盜曰見持白旄者殺之

盜殺之急子至曰我之求也請殺我

盜又殺之

詩序邶風二子乘舟思復壽也宣公之二子交相為死國人傷而思之作是詩也

左右公子故怨朔宣公卒朔立

是為惠公

四年左公子洩

右公子職攻衛侯立公子黔牟

衛羣公子

衛侯奔齊

丁亥三年魯侯與夫人姜氏如齊齊人殺魯侯

魯侯及姜氏如齊齊侯

襄公諸兒信公子

通焉

史記襄公故嘗私通魯夫

人及與桓公乘襄公後通焉詩序齊風南山刺襄公也鳥獸之行淫乎其妹又敵荀判文姜也齊人惡魯桓公微弱不能防閑文姜使至淫亂為二國患焉公謫之以告齊侯享公使

公子彭生乘公公薨于車

史記齊襄公享公公醉使公子彭生抱公因指其脇

公死于車

魯人告于齊曰寡君來修舊好禮成而不反無

所歸咎惡于諸侯請以彭生除之齊人殺彭生魯立

桓公子同

是為莊公

姜氏會齊侯于禚

齊地

于防

魯地注見前

于穀

齊地今山東泰安府東河縣穀城故縣是

又享之于祝邱

魯地今山東沂州府

南山縣即邱城是詩序齊風載驅齊人刺襄公無禮義盛其車服疾驅于通道大都與文姜淫播其惡于萬民焉又猗嗟刺魯莊公也不能以禮防閑其母失子之道人以為齊侯之子焉

周公黑肩謀弒王伏誅

周公欲弑王而立王子克

莊王弟  
子儀

辛伯

周大夫

告王遂

與王殺周公王子克奔燕

南燕姑姓今衛輝府  
延津縣南燕故城是

初子

儀有寵于桓王桓王屬諸周公辛伯諫曰並后

如妾

后

匹嫡

庶如嫡

兩政

臣擅命

耦國

都如命

亂之本也周公弗

從故及

子四年使榮叔

周大夫榮叔字

錫魯桓公命

逆命以褒之

王姬歸于齊

王使單伯

文獻通考單姬姓伯爵國在畿內世為王卿士

送王姬

送公羊穀梁作逆以

單伯送王姬公穀作逆釋春秋

詳論如左  
魯世知無單  
而王領有單  
單于此單伯  
復會位宋之  
伯也當此則  
一法非說不辨  
自明

單伯為魯大夫與左傳異

魯築王姬之館于外

天子嫁女于諸侯使諸侯同姓者主

之魯侯奉命主王姬之婚

王姬歸于齊尋卒

方在諒闇故築舍于外

孫氏覺曰齊為魯世讐而魯主其婚又在衰經之中不書王姬之歸無以見魯之失禮王之失命也

辛卯 七年紀侯大去其國

左傳注大去者不反之辭

齊人遷紀邦

漢書作餅今山東青州府臨朐縣餅縣故城是 鄆 今山東萊州府昌邑縣嘗

亭社

鄆

今青州府安邱縣鄆城故城是

紀季以鄆

戶圭反今青州府臨淄縣鄆亭是

入于齊

左傳疏釋例齊侯鄭伯詐朝于紀以襲之紀人大懼謀難于魯請王命以求成于齊魯告

不能齊遂逼之遷其三邑紀有旦

紀侯不能下齊以

夕之危故分季以鄆請事于齊

與紀季于是大去其國

擇例紀侯自以列國不忍屈臣于齊以國與季脫身外寓

社稷有奉故不言滅不見迎逆故不言奔

違齊難也

也 違去

陸氏淳曰失國而曰大去何也紀侯賢而無罪怙力者并之故力不足者君子不咎之不曰出奔所以護

紀惡齊也不書滅不絕其祀也

八年冬齊人宋人魯人陳人蔡人伐衛

衛侯朔居齊八年至是齊侯會諸侯以納之

癸巳 九年春王使子突救衛

王人子突救衛弗克朔遂入于衛殺左右公子

也 膳

而復立黔牟奔于周

甲午十年夏四月辛卯夜恒星不見夜中星隕如雨

左傳注曰

光不匿恒星不見疏夜者自昏至旦之總名但此經下言夜中則上言夜者夜未至中謂初昏之後耳非竟夜不見星也

未<sub>乙</sub>十有一年齊無知弒其君諸兒

齊侯使連稱管至父

二人皆齊大夫

戍葵邱

此齊葵邱在青州府臨淄縣西

瓜期而往曰及瓜而代期戍公問不至請代又弗許

二人怒因公孫無知以作亂

僖公母弟夷仲年生無知有寵于僖公衣服禮

秩如適襄公絀之  
故二人因之作亂  
遂弑襄公  
公遊姑芬遂田貝邱見大豕從者曰公子彭生

也公怒射之豕人立而啼公懼墜于車傷足喪屨誅屨于徒人費鞭之見血費走出遇賊于門賊劫之費

袒而示之背請先入伏公而出闕死于門中賊遂入見公之足于户下遂弑之  
姑芬即薄姑注見前貝

邱齊地今青州府博興縣南有貝中聚  
而立無知

丙申 十有二年齊人殺無知公子小白立  
桓公 是為

無知嘗虐于雍廩  
史記作雍林賈逵曰渠邱大夫也 今臨淄縣有渠邱亭  
既立

雍廩殺無知初襄公立無常  
政令 無常  
鮑叔牙  
齊大夫以邑為氏

曰君使民慢亂將作矣奉公子小白  
僖公 庶子  
奔莒  
嬴姓 國子



齊注  
見前  
亂作管夷吾  
史記賴上人氏族  
夷吾出自周穆王  
召忽奉公子

糾小白奔魯魯聞無知死伐齊納子糾小白已自莒

先入史記齊大夫高侯先陰召小白于莒魯納子糾  
使管仲逃莒通射中小白帶鉤小白佯死管仲

使人馳報魯魯送糾者行益遲至齊則小白已入發  
高侯立之  
高侯齊文公子高之孫以名為氏

兵拒魯戰于乾時乾音干齊地左傳注時水交流旱  
則竭涸故曰乾時  
時水在今青

州府博  
與縣南魯師敗走鮑叔牙帥師言于魯曰子糾親也

請君討之管召雖也請受而甘心焉乃殺子糾于生

賈史記作笙潰賈連曰句潰也  
地在今曹州府荷澤縣北召忽死之管仲請囚

國語齊桓公使請管仲于魯魯莊公以問施伯施伯曰管子天下之才也所在之國必得志于天下請殺者請生致之莊公迷束縛以與齊鮑叔受之及堂阜齊地在今沂州而稅同脫之左傳注魯陰有夷吾亭府蒙陰縣西北鮑叔解夷吾縛于此

齊以管夷吾為相

鮑叔以管仲至齊三蒙

以香薰之曰蒙

三浴之齊侯親逆于

郊與之坐而問焉對輒稱善乃以為相號曰仲父仲

為政四民不使雜處

國語管子對桓公曰四民者雜處則其言唯其事易聖王之處

士使就閒燕處工就官府處商就市井處農就四野少而習焉其心安焉不見異物而遷焉是故其父兄

口仲制國大樂於周禮而行以權便其限公時勢不得不重山高象馬輕重而推較定者謂其漸則中庸之學似六經富國強兵之復之才所說

曰宜如是而已  
較之空談仁義  
沈吟如宋襄者  
不更可嗤耶

之教不肅而成子  
弟之學不勞而能  
制國為二十一鄉  
國語管子制工  
商之鄉六士鄉

十五公帥十一鄉  
國子帥五鄉高子  
帥五鄉士鄉管子  
作士農之鄉  
作內政也國政  
以

### 寄軍令

軍令寄託于國政  
若有征伐鄰國不  
知也國語管子制  
五家為執執為之  
長十執為里里

置有司四里為連  
連為之長十連為  
鄉鄉有良人焉  
以為軍令五家為  
執故五人為伍執  
長帥之十執為里  
故五十人為小戎  
里有司帥之四里  
為連故二百人為  
卒連長帥之十連  
為鄉故二千人為  
旅鄉良人帥之五  
鄉一帥故萬人為  
一軍五鄉之帥帥  
之伍之人世同居  
少同遊故夜戰聲  
相聞足以不乘晝  
賊目相視足以相  
識其懼故足以相  
死居同樂行同和  
死同哀是故守則  
同固戰則同彊  
官山海以準輕重  
管子書桓公曰何  
以富國對曰惟官  
山海可耳謹鹽筴  
與鐵官之數其餘  
輕重準此而行

立三選以擇賢

國語鄉長進賢公親見之遂使役官  
官長期而書伐以告且選選其賢者

而用之公皆相其質觀其所能

升以為上卿之贊是為三選

分五屬以布憲

管子  
書五

屬立五大夫各治一屬正月之朝君  
乃出令布憲五屬大夫皆受憲于君

重農以權穀幣

管子書粟重而萬物輕粟輕而萬物重兩者不衡立  
故殺去商賈之利而益農夫之事則田野闢而農勸

其事又曰殺為君幣為下故五殺粟未

贖罪以備器

者民之司命黃金刀布者民之通貨

械管子書因罰備器械制重罪贖以犀甲一戟輕罪  
贖以鞮盾一戟小罪贖以金美金以鑄劍戟惡金

美以鑄鉏

厚聘幣反侵地

國語桓公曰吾欲從事于  
諸侯管仲曰審吾封疆而

美斤鑿

反其侵地重為之皮幣以驟聘

以親諸侯齊侯悉從

類于諸侯則四鄰之國親矣

之故仲得盡其才而伯功立

丁酉十有三年魯敗齊師于長勺

魯地春秋彙纂路氏曰成王以商民六族錫魯

公有長勺氏此

商民所居也

齊伐魯魯侯將戰曹劌

魯人

請從公與之乘戰于長

勺公將鼓之劌曰未可齊人三鼓劌曰可矣齊師敗

績公將馳之劌曰未可下視其轍登軾而望之曰可

矣遂逐齊師既克公問其故對曰夫戰勇氣也一鼓

作氣再而衰三而竭彼竭我盈故克之夫大國難測

也懼有伏焉吾視其轍亂望其旗靡故逐之

楚敗蔡師于莘

蔡地在今河南汝寧府汝陽縣

以蔡侯獻舞

哀侯蔡仲十世孫

歸

蔡侯娶于陳息侯

今河南光州息縣有古息里即息侯國

亦娶焉息媯

將歸過蔡蔡侯止而見之弗賓息侯聞之怒使告楚

曰伐我我求救于蔡而伐之楚子從之敗蔡師于莘

執蔡侯以歸

史記楚世家文王伐蔡虜哀侯已而釋之

蔡侯繩

譽也

息媯

以語楚子楚子如息以食入享遂滅息而納息媯

媯不言楚子問之對曰吾一婦人而事二夫縱不能

死又奚言楚子以蔡侯滅息遂復伐蔡入之

邵子經世書自

是江漢之國

皆服于楚

齊師滅譚

今山東濟南府歷城縣有譚城故譚國

齊侯之出也過譚譚不禮焉及其入也諸侯皆賀譚  
又不至齊師滅譚譚子奔莒

陳氏博良曰滅國始于此春

秋滅國三十六五伯為之也

巳亥十有五年王崩子胡齊立

是為僖王

宋萬弑其君捷

莊公馮之子閔公

及其大夫仇牧

初宋伐魯戰于乘邱

魯地故城在今山東兗州府滋陽縣西北

魯侯以金

僕姑

矢名

射南宮長萬

宋大夫

公右欵孫生搏之

搏取也

宋人請萬歸宋公靳之

戲而相愧曰靳

曰始吾敬子今子

魯囚也萬病之遂弑閔公于蒙澤

今河南歸德府商邱縣蒙縣故城是

遇仇牧于門批而殺之

公羊傳萬與閔公搏婦人皆在側萬曰甚矣魯侯之美也

天下諸侯宜為君者魯侯耳閔公矜此婦人妬其言

顧曰此虜也爾虜焉故魯侯之美惡乎至萬怒搏閔

公絕其脰仇牧聞君弑趨而至遇之于門手

劍而叱之萬臂擻仇牧碎其首齒著乎門闔

遇大宰



督于東宮之西又殺之立子游

宋之公子

羣公子奔蕭

宋邑

今江南徐州府

蕭縣故蕭城是

公子御說

莊公子

奔亳

即亳城注見前

南宮牛

萬之子

猛獲

萬之黨

帥師圍亳蕭叔大心

蕭大夫

及戴武宣

穆莊之族以曹師伐之

武王弟振鐸封曹注見前

殺南宮牛于師

殺子游于宋立御說

是為桓公

猛獲奔衛萬奔陳宋人請

猛獲于衛亦請萬于陳以賂歸皆醢之

陳使婦人飲萬酒而以犀

草裹之比及宋手足皆見

僖王

庚子元年齊侯宋人蔡人邾人

邾國曹姓  
注見前

會于北杏

齊地  
在今

山東泰安府

東河縣北

宋有弑君之亂齊侯欲修伯業會于北杏以平之

桓齊

公衣裳

之會一

胡氏安國曰春秋之世以諸侯而主天下會盟之政  
自北杏始其後宋襄晉文楚莊秦穆交主夏盟跡此  
而為之

者也

齊人滅遂

舜之後今兗州府寧陽  
縣北有遂鄉春秋遂國

北杏之會遂人不至齊滅遂而戍之後遂人飲戍者

酒醉而殺之齊人殲焉

魯侯會齊侯盟于柯

左傳注此柯濟北東阿齊之阿邑  
猶祝柯今為祝阿今兗州府陽穀

縣東北有阿城鎮

即春秋齊阿邑

魯侯將盟曹沫

左傳疏曹劇  
史記作曹沫

以匕首劫齊侯于壇上

曰反魯之侵地公許之曹沫去匕首北面就臣位公

後悔欲無與魯地而殺曹沫管仲曰棄信于諸侯不

可于是歸地與魯諸侯聞之皆信齊而欲附焉

公羊  
傳齊

桓之信著乎天

下自柯之盟始

丑 二年命單伯會諸侯

齊陳曹

伐宋

宋人背北杏之會諸侯伐宋齊侯請師于王王命單伯會之取成于宋而還

單伯會齊侯宋公衛侯鄭伯于鄆

衛邑今曹州府濮州鄆城故城是

宋服故也

齊桓公衣裳之會二

寅 三年齊侯宋公陳侯衛侯鄭伯會于鄆

齊始霸故諸侯復會焉

齊桓公衣裳之會三

卯 癸 四年命曲沃伯稱為晉侯

曲沃伯伐晉侯緡滅之盡以其寶器賂王王使虢公

命曲沃伯以一軍為晉侯

自桓叔始封曲沃至是凡六十七年

夏宋人齊人衛人伐鄭冬齊侯宋公魯侯陳侯衛侯鄭

伯許男

莊公弟穆公新臣

滑伯

今河南河南府偃師縣有緡氏故城春秋滑國

滕子

文王

子叔繡封滕注見前

同盟于幽

宋地在今河南歸德府考城縣界

鄭人侵宋諸侯為宋故伐鄭冬同盟于幽鄭成也

桓齊

公衣裳

之會四

楚滅鄧

鄧國注見前

初楚子伐申過鄧鄧侯曰吾甥也止而享之驢甥聃

甥養甥

皆鄧之甥  
仕于舅氏

請殺楚子曰亡鄧國者必此人也

若不早圖後君噬臍何及

若啗腹臍  
喻不可及

鄧侯弗從還年

伐申還  
之年

楚子伐鄧至是滅之

為國

周大夫

以晉師殺夷詭諸

亦周大夫  
夷采地名

周公忌父出奔

號

初曲沃伯伐夷執夷詭諸為國請而免之既而弗報

詭諸不報  
施于為國

故為國作亂謂晉人曰與我伐夷而取其

地遂以晉師伐夷殺夷詭諸周公忌父出奔虢

避為國之

難後惠王

立復之

甲辰五年王崩太子閔立

是為惠王

秦徙都雍

今陝西鳳翔府鳳翔縣有雍縣故城元和志春秋時秦都

初秦寧公

文公孫

自汧渭之間徙居平陽

今鳳翔府岐山縣平陽故

城至是德公立

寧公子武公弟

徙雍居大鄭宮以犧三百牢

祠廊時初作伏祠

孟康曰六月伏日也周時無至此乃行之師古曰伏者謂陰氣將起

史于殘陽而未得升故為藏伏因名伏日也立秋後以金代火金畏于火故至庚日必伏庚金也

磔

狗邑四門以禦蠱

蠱者熱毒惡氣狗陽畜故磔以禦之

惠王

己巳元年春三月日有食之

虢公晉侯來朝

王饗醴命之宥

宥助也命之幣物以助勸敬

皆賜玉五鼓

音角亦作珪雙

王也馬三匹

左傳非禮也王命諸侯名位不同禮亦異數不以禮假人

使原伯

文王第十六子封原今懷慶府濟源縣古原城是也其後世為王室卿士

逆后于陳

陳媯歸于京師

是為惠后



號晉朝王鄭伯以齊執其卿

鄭不朝齊齊人執鄭詹

求王為援

亦在周倡義為王定昏使原伯逆王后于陳陳媯歸

于京師

金氏履祥曰三年之喪自天子達號晉不能以禮導王而亟為迎昏非禮矣

丙午二年為國邊伯詹父子禽祝跪五大夫以王子頹作

亂

初王姚

莊王妻

嬖于莊王生子頹子頹有寵為國為之

師及王即位取為國之圃以為囿邊伯之宮近于王

宮王取之又奪子禽祝跪與詹父田而收膳夫

石速也

之秩故為國邊伯石速詹父子禽祝跪作亂因蘇氏

司寇蘇忿生食采于溫亦曰蘇城其後為王  
御士桓王八年以蘇之十二邑與鄭故怨

秋五大

夫

石速為士不  
在五大夫數

奉子頹以攻王不克出奔溫蘇子奉

子頹奔衛衛人燕人

南燕也

來寇立子頹

丁未三年王居于櫟

注見前

鄭伯和王室不克執燕仲父

南燕伯

遂以王歸王處于

櫟秋王及鄭伯入于鄆

桓王時所取鄭邑今河南府偃師縣鄆聚是

遂入

成周取其寶器而還

中戊  
四年虢公鄭伯奉王歸于王城誅子頽及五大夫

虢公鄭伯胥命于弭

鄭地在今開封府密縣界

同伐王城鄭伯將

王自圉門入虢叔自北門入殺子頽及五大夫王與

鄭伯武公之略

界也

自虎牢以東

鄭武公傅平王平王賜之虎牢以東

後失其地故王復與之

虎牢即制邑周穆王時有

高奔戊生捕虎于葭中而獻之王王命之為押畜之

東虞是為虎牢後名成皋

五月鄭伯卒

子捷立是為文公

王

故城在今開封府汜水縣

巡虢守

巡守于虢

虢公為王宮于瑋

虢地在今河南府滎池縣界

王與

之酒泉

春秋彙纂酒泉周邑今陝西同州有甘泉水出匱谷中造酒尤美名酒泉

百巳  
五年陳人殺其公子禦寇公子完奔齊

是為田齊之祖

初陳厲公

名佗桓公弟

生完周史有以周易見陳侯者陳

侯使筮之遇觀之否曰是謂觀國之光利用賓于王

此其代陳有國乎不在此其在異國非此其身在其

子孫光遠而自他有耀者也若在異國必姜姓也姜

大嶽之後也山嶽則配天物莫能兩大陳衰此其昌

乎至是陳人殺太子禦寇

史記陳宣公有嬖姬生子欽欲立之故殺禦寇陳

宣公名杵臼桓公子禦寇素愛完完懼禍及已乃奔齊齊侯使

為卿辭曰羈旅之臣幸若獲宥君之惠也敢辱高位

乃使為工正完之奔齊始易陳氏為田氏

史記正義完既奔齊

不欲稱本國故號故改

陳為田完卒諡敬仲

楚熊惲弑其君囂

即杜敖楚文子

而自立

是為楚成

杜敖欲殺其弟熊惲惲奔隨遂與隨襲弑杜敖而代

其位

庚戌六年楚人入獻賜楚子胙

熊暉初即位布德施惠結好于諸侯

春秋書荆人來聘公羊傳始能

聘也使人入獻于天子天子賜胙曰鎮爾南方夷越之

亂無侵中國

壬子八年夏六月辛未朔日有食之

晉侯

武公子獻公詭諸

盡殺其羣公子

晉桓莊之族逼

曲沃桓叔莊伯之子孫

晉侯患之士為

周杜伯子隰叔

之後隰叔為晉士師以官為氏

曰去富子

二族之富強者

則羣公子可謀也

已晉侯曰爾試其事士為與羣公子謀諧富子而去

之又使殺游氏之二子

亦桓莊族

告晉侯曰可矣不過二

年君必無患士為使羣公子盡殺游氏之族城聚

晉邑

即南絳故城在今山西

絳州絳縣亦曰車箱城

而處之于是晉侯圍聚盡殺

羣公子以士為為大司空城絳

武公所都城在今絳州北

以深

其宮羣公子或亡奔虢虢以故再侵晉晉侯欲伐之  
士為曰不可虢公驕若驟得勝于我必棄其民無衆  
而後伐之欲禦我誰與且亟戰將饑

癸丑 九年冬十有二月癸亥朔日有食之

甲寅十年齊侯宋公魯侯陳侯鄭伯同盟于幽

陳鄭服也

齊桓公衣裳之會五

乙卯十有一年齊人伐衛衛人及齊人戰衛人敗績

王使召伯廖

王卿士

錫齊侯命

命為方伯

且使伐衛以其立

子頹也于是齊侯伐衛戰敗衛師數之以王命取賂而還

高氏閔曰衛助于頹篡王齊為伯主不能奔救及鄭伯既納王王錫齊侯命使討之于是乎伐衛曰伐者討得其罪也然既敗衛乃取賂而還嗟夫齊桓以能獎王室霸諸侯而所為乃若是



秋楚伐鄭齊人宋人魯人救鄭

楚令尹子元

弟 楚文

伐鄭入于桔柣之門

鄭遠

子元鬪

禦疆鬪梧耿之不比為旆

子元自與三子特建旆以居前

鬪班

孫若教

王孫游王孫喜殿眾軍入自純門

鄭外郭門

及遠市

鄭郭內市

縣門不發楚言而出

鄭示楚問暇故不閉城門出兵而效楚言

子元曰鄭

有人焉諸侯救鄭楚師夜遁

丁巳十有三年命虢公討樊

注見前

執樊皮以歸

樊皮叛王王命虢公討之夏四月虢公入樊執樊仲

皮歸于京師

秋九月庚午朔日有食之

齊人伐山戎

山戎伐燕

北燕召公之後注見前

燕告急于齊齊侯救燕遂伐

山戎至于孤竹

注見前

而還燕君送齊侯遂入齊境齊

侯曰非天子諸侯相送不出境吾不可以無禮于燕

于是分溝割燕君所至與燕

史記正義滄州長蘆縣有燕留城即齊桓公分

溝割燕君所至地長蘆今直隸天津府天津縣

命燕君復修召公之政納貢

于王如成康之時諸侯聞之皆從齊

管子書桓公未至卑耳之溪十

里見人長尺而人物具冠右祛衣公問管仲仲曰登山之神有俞兒者伯王與則見祛衣示前有水也右祛示從右涉也至卑耳之溪有贊水者曰從左方涉其深及冠從右方涉其深及膝乃右涉韓非子桓公自孤竹反迷失道管仲曰老馬之智可用也乃放老馬而隨之遂得道山中無水偏朋曰蟻冬居山之陽夏居山之陰蟻壤一寸而田有承乃掘地得水

楚人殺令尹子元以鬪穀

奴走切

於菟

音烏徒

為令尹

即子文鬪

伯比子楚人謂乳曰穀謂虎為於菟子文初生于邱虎乳之故名

初子元欲盡文夫人

即息媯壘謂感以淫事

為館于其宮側而

振萬焉

振動萬舞也

夫人聞之泣曰先君以是舞也習戎

備也今令尹不尋諸仇讎而于未亡人之側不亦異

乎御人以告子元于是子元伐鄭既歸而處王宮鬪

射師

即鬪廉若教子

諫執而稽之申公鬪班遂殺子元鬪穀

於菟為令尹自毀其家以紓楚國之難

已未十有五年魯侯同卒慶父弑其君之子般而立啓方

史記作開莊公少子是為閔公

初魯侯築臺臨黨氏

魯大夫

見孟任

黨氏女

從之閔

音秘不從

也公以夫人許之割臂盟公生子般祭名首夏講于

黨氏女公子

般之妹

觀之圉人犖自墻外與之戲子般

鞭之公曰不如殺之犖有力焉公疾問後于叔牙

史記

莊公有三弟長曰慶父

次曰叔牙次曰季友

對曰慶父材問于季友對曰

臣以死奉般公曰鄉者牙曰慶父材季友使以君命

醕叔牙曰飲此則有後于魯國不然死且無後飲之

卒立叔孫氏公薨子般即位次于黨氏慶父使圉人

犖賊子般于黨氏季友奔陳慶父立啓方

史記莊公娶齊女曰

哀姜無子其姊曰叔姜生子開慶父與哀姜通欲立其姊之子故殺般而立子開

庚申十有六年晉滅耿

周同姓國漢書地理志河東郡皮氏有耿鄉故耿國皮氏今絳州

河津

霍

即霍叔邑注見前

魏

亦周同姓國元和志古魏城在芮城縣北今山西解州芮城縣東北

有河北故城即魏城也

封趙夙

造父之後

于耿畢萬

畢公之後以畢為氏

于魏

晉侯作二軍公將上軍太子申生將下軍趙夙御戎

畢萬為右以滅耿滅霍滅魏還為太子城曲沃賜趙

夙耿賜畢萬魏以為大夫士為曰太子不得立矣分

之都城而位以卿先為之極又焉得立不如逃之為

吳恭伯不亦可乎卜偃

音掌卜  
之大夫

曰畢萬之後必大萬

盈數也魏大名也以是始賞天啓之矣

萬之後為戰  
國魏風之後

為戰

國趙

辛酉十有七年魯慶父弑其君啓方季友立公子申

是為  
僖公

誅慶父

魯侯立請于齊召季友季友自陳來歸公之傅奪卜

齎

魯大夫

田公弗禁慶父使卜齎賊公于武闈

宮中門  
謂之闈

季友以子申適邾

申閔公庶  
兄成公子

慶父奔莒

史記魯人欲  
誅慶父慶父

恐奔

乃入立之以賂求慶父于莒莒人歸之及密

左傳

注密魯地琅邪費縣北有密如

亭

費縣今屬山東沂州府

乃縊

其後為仲孫氏亦曰孟氏

閔

公之死哀姜與知之

史記閔公二年慶父與哀姜通益甚哀姜欲立之故使弑公

故孫于邾齊人殺之于夷

魯地

以其尸歸魯人請而

葬之

狄入衛

狄史記作翟黃帝之裔處北地後徙西河上黨中山其種有赤狄白狄

狄人伐衛衛侯

懿公赤惠公子

好鶴有乘軒者將戰國人受

甲者皆曰使鶴戰于蒙澤

左傳注此蒙澤當在河北

衛師敗績遂



滅衛宋公

桓公御說

迎衛之遺民渡河立昭伯之子申

是為

戴以廬于曹

詩作清通典清州白馬縣衛清邑清州今衛輝府清縣有白馬故城

齊侯

使公子無虧帥車三百乘甲士三千人戍曹

史記自惠公朝

說殺太子伋至于懿公衛人不服嘗欲敗之狄殺懿公衛人思伋後後子已死後同母弟二人其一曰黔牟嘗立八年又去其二曰昭伯頑昭伯黔牟皆已死故立昭伯子申

壬戌十有八年齊師宋師曹師次于聶北

今山東東昌府聊城縣有聶城

齊西界近邢地救邢邢遷于夷儀

故城在直隸順德府邢臺縣西俗謂之隨宜城

諸侯

城邢

狄伐邢諸侯救邢邢人潰出奔師師遂逐狄人具邢器用而遷之師無私焉夏邢遷于夷儀諸侯城之

楚人伐鄭 春秋于是年 荆始書楚

鄭即齊故也

齊侯宋公魯侯鄭伯曹伯 昭公班叔 鐸 邦人會于櫪 左

作齊春秋彙纂程即齊也 今河南陳州府淮寧縣西北有齊城亦作潯

謀救鄭也 齊桓公衣 棠之會六

癸亥 十有九年諸侯城楚邱 今衛輝府滑縣東有衛南慶縣即齊桓公為衛所築地非

齊桓公遷邢討  
一昨危言安

而亡者存孔子  
以仁許管仲在  
此孟子謂五霸  
敗之亦在此

或伐凡伯  
之楚邱也

齊侯率諸侯城楚邱以封衛衛戴公卒齊侯立其弟

燬為衛君

是為文公

齊侯既遷邢于夷儀又封衛于楚邱

邢遷如歸衛國忘亡

詩序衛風木瓜美齊桓公也衛國有狄人之敗出廬于漕桓公

殺而封之遺之車馬器服衛人思厚報之而作是詩也

衛侯大布之衣大帛之

冠務材訓農通商惠工敬教勸學授方任能元年革

車三十乘季年乃三百乘

詩疏文公使居楚邱始建城使民安處建市使民交

易營造宮室得其時節制度民既富饒官亦充足百姓美之為作定之方中詩

齊侯宋公江人

左傳注江國在汝南安陽縣

安黃人

今河南光州春秋

盟于貫

今山東曹州府曹縣有蒙澤故城古貫邑貫與貫字相似

黃國有故黃城

故蒙澤城

亦曰貫城

江黃楚與國始來服故為合諸侯明年又會于陽穀

今兗州府陽穀

謀伐楚

歷代年表貫及陽穀之會不在九合之數

甲子二十年楚人伐鄭

先是楚人侵鄭鬬章

楚大夫

囚鄭聃伯至是復伐鄭鄭

伯欲成孔叔

鄭大夫

曰不可齊方勤我棄德不祥

師諸侯伐楚  
義也言而楚  
師皆謂召陵  
盟庶幾不戰  
五人之兵然  
屈完所對始  
一誠語雖更高  
一所謂服者蓋  
一彼希耳殺梁  
一所以稱召陵  
一志為僅也胡  
一國乃云庶幾  
一者之市則過  
一矣

丑 二十有一年春齊侯宋公魯侯陳侯衛侯鄭伯許男

曹伯侵蔡蔡潰遂伐楚次于陘

今許州郟城縣陘亭是

楚屈完

楚大

夫

來盟于師盟于召陵

今郟城縣東有召陵故城即屈完來盟地

齊侯以諸侯之師侵蔡

史記桓公與蔡姬戲舟中蔡姬習水蕩公公懼止之不止

公怒歸蔡姬未絕蔡嫁其女桓公聞之與師往伐

蔡潰遂伐楚楚子使問師

故管仲對曰昔召康公命我先君太公曰五侯九伯

女實征之以夾輔周室爾貢包茅不入

荊州之貢包匭菁茅

王

祭不共無以縮酒

束茅而灌之以酒為縮酒

寡人是徵昭王南征

而不復寡人是問對曰貢之不入寡人之罪也敢不  
共給昭王之不復君其問諸水濱師進次于陘楚子  
使屈完如師師退次于召陵齊侯陳諸侯之師與屈

完乘

繩證反  
共載也

而觀之曰以此衆戰誰能禦之以此攻

城何城不克對曰君若以德綏諸侯誰敢不服君若

以力楚國方城

山名在河南  
南陽府葉縣

以為城漢水

注見  
前

以為

池雖衆無所用之屈完及諸侯盟

齊人執陳轅濤塗

陳公  
族

諸侯侵陳

陳轅濤塗謂鄭申侯

鄭大  
夫

曰師出于陳鄭之間國必

甚病若出于東方觀兵于東夷循海而歸其可也申  
侯曰善濤塗以告齊侯許之申侯見曰師老矣若出  
于東方而遇敵懼不可用也若出于陳鄭之間供其  
資糧扉屨其可也齊侯悅與之虎牢執轅濤塗秋齊  
伐陳冬諸侯之師侵陳陳成歸轅濤塗

丙寅

二十有二年晉侯殺其世子申生

晉侯烝于齊姜

武公  
妾

生太子申生

同母女弟為  
秦穆公夫人

娶二

女于戎大戎

唐叔子孫別在戎者

狐姬生重耳小戎

允姓之戎

子生

夷吾伐驪戎

今陝西西安府臨潼縣有驪戎城故驪戎國

驪戎男女以驪

姬歸生奚齊其姊生卓子驪姬嬖欲立其子賂外嬖

梁五

在閩閩之外者

與東關嬖五

別在關塞外者

使言于晉侯曰曲

沃君之宗也蒲

今山西隰州有古蒲城春秋晉蒲邑

與二屈

今山西古州有北屈

廢縣晉屈邑

君之疆也不可以無主若使太子主曲沃而

重耳夷吾主蒲與屈則可以威民而懼戎且旌君伐乃

使太子居曲沃重耳居蒲夷吾居屈

晉侯使士蒍築蒲與屈不慎寘



新焉公使讓之對曰詩云懷德惟寧宗子惟城君其  
修德而固宗子何城如之三年將尋師焉焉用慎退  
而賦曰狐裘危茸一  
晉侯又使太子伐東山皋落氏

國三公吾誰適從  
赤狄別種今山西平定州樂平縣有  
皋落山寰宇記即東山皋落氏地

里克

晉大夫

諫曰

君之嗣適不可以帥師且臣聞皋落氏將戰君其舍  
之晉侯曰寡人有子未知其誰立焉不對而退及將

立奚齊既與中大夫成謀

謂里克也驪姬將殺太子而難里克使優施飲之酒

而告之故里克聽其謀欲  
中立以自免遂稱疾不朝

姬謂太子曰君夢齊姜必

速祭之太子祭于曲沃歸胙于公公田姬置諸宮六

日公至毒而獻之公祭之地地墳與犬犬斃與小臣

小臣亦斃姬泣曰賊由太子太子奔新城

即曲沃

晉侯

殺其傅杜原款重耳謂太子曰盍言子之志于君太

子曰君安驪姬是我傷君之心也曰然則盍行乎太

子曰君謂我欲弑君也天下豈有無父之國哉吾何

行如之使人辭于狐突曰申生有罪不敢愛其死雖

然君老矣子少國家多難伯氏不出而圖吾君伯氏

苟出而圖吾君申生受賜而死乃縊于新城姬又譖

二公子曰皆知之重耳奔蒲夷吾奔屈晉侯使寺人披伐蒲重耳曰君父之命不校乃徇曰校者吾讎也踰垣而走披斬其祛遂出奔翟又使賈華伐屈夷吾不能守將奔翟卻芮夷吾臣曰後出同走罪也不如之

梁

今陝西同州府澄城縣有夏陽故城古梁國

梁近秦而幸焉乃奔梁

齊侯宋公魯侯陳侯衛侯鄭伯許男

穆公子倍公業

曹伯會王

世子于首止

注見前

諸侯盟于首止鄭伯逃歸不盟

齊桓公衣

會七

王后陳媯生太子鄭及叔帶叔帶有寵于后欲立之

齊侯帥諸侯會于首止會王太子謀寧周也

左傳注  
王以惠

后故將廢太子而立叔帶故齊  
桓帥諸侯會太子以定其位

諸侯盟王使周公召

鄭伯曰吾撫汝以從楚輔之以晉可以少安

左傳注  
王恨齊

桓定太子之位故  
召鄭伯使叛齊

鄭伯喜于王命而懼其不朝于齊

也故逃歸不盟孔叔止之弗聽

楚人滅弦

今河南光州光山  
縣春秋弦國地

于是江黃道

漢書地理志汝南陽安道國  
湯安故城在今汝寧府確山縣

栢

漢書  
地理

志汝南西平故栢子國  
西平縣今屬汝寧府  
方睦于齊皆弦姻也弦于恃

之而不事楚又不設備故亡

秋九月戊申朔日有食之

晉滅虢

注見前

執虞公

仲雍後注見前

初晉侯使荀息

晉之公族食采于荀因以為氏

以屈產之乘

屈產何休曰泉

名在今山西汾州府石樓縣

垂棘之璧

垂棘晉地出良璧

假道于虞以伐

虢

水經注虞城北對長坂二十里謂之虞坂

虢字記春秋晉假道于虞以伐虢即此路 虞公許

之宮之竒諫不聽晉里克荀息帥師會虞師伐虢滅

下陽

故城在今平陸縣

至是晉復假道伐虢宮之奇諫曰一

之已甚其可再乎諺所謂輔車相依唇亡則齒寒者

輔頰輔車牙車輔為外表車是內骨故曰相依

其虞虢之謂也弗聽宮之奇

以其族行曰虞不臘矣在此行也晉不更舉矣十二

月晉滅虢虢公醜奔京師師還館于虞遂襲虞滅之

執虞公而修虞祀且歸其職貢于王

殺梁傳獻公舉虞荀息牽馬採

璧而前曰璧則猶是也而馬齒加長矣

丁卯二十有三年齊侯宋公魯侯陳侯曹伯伐鄭楚人圍

許諸侯遂救許

諸侯伐鄭以其逃首止之盟故也楚子圍許以救鄭  
諸侯救許乃還

戊辰二十有四年齊侯宋公魯侯陳世子欵鄭世子華盟

于甯母

今山東兗州府魚臺縣有泥母亭即春秋甯母地泥讀如甯

齊人伐鄭鄭孔叔請下齊以救國公曰吾知其所由  
來矣夏殺申侯以說于齊秋盟于甯母管仲言于齊  
侯曰招攜以禮懷遠以德齊侯修禮于諸侯諸侯官

受方物鄭伯使太子華聽命于會子華言于齊侯請

去洩氏孔氏子人氏

三族皆鄭大夫

以鄭為內臣齊侯將許

之管仲曰君以禮與信屬諸侯而以姦終之無乃不

可乎子父不姦之謂禮守命共時之謂信違此二者

姦孰甚焉會而列姦何以示後嗣夫子華既為太子

而求介于大國以弱其國亦必不免齊侯辭焉子華

由是得罪于鄭

齊桓公衣裳之會八

己巳二十有五年王人齊侯宋公魯侯衛侯曹伯

昭公子共公襄



陳世子款盟于洮

今曹州府濮州洮城是

謀王室也鄭伯乞盟請服也

齊桓公兵車之會一

王崩太子鄭立

是為襄王

王崩于二十四年之閏月太子惡太叔帶之難懼不

得立不發喪而告難于齊洮之盟位既定而後告喪

于諸侯

通志春秋書惠王之崩于是年十二月從告也

襄王

庚午元年宰周公

宰孔也天子三公不字

會齊侯魯侯宋子

桓公子襄公茲

子稱五霸  
為以葵邱之

雖明其禁而  
龍爭鬻先自  
之蓋無明德  
民之資徒修  
逸歸好之辭  
有久而不渝  
是以仲尼之  
五尺之東羞  
五霸所為正  
不誦亦云彼  
於此而已

父桓公卒未

葬故書子

衛侯鄭伯許男曹伯于葵邱

宗地今河南  
歸德府考城

縣有葵邱聚其地有

盟臺亦名盟臺鄉

齊侯會諸侯于葵邱王使宰孔賜齊侯胙

史記  
王賜

桓公文武胙

彤弓矢大路

曰天子有事于文武使孔賜伯舅

胙齊侯將下拜孔曰且有後命天子使孔曰以伯舅

耄老加勞賜一級無下拜對曰天威不遠顔咫尺小

白余敢貪天子之命無下拜恐隕越于下以遺天子

羞敢不下拜下拜登受諸侯盟陳牲而不殺讀書加

于牲上壹

也猶專

明天子之禁

初命曰誅不孝無易樹于無以妾為妻再命曰

專賢育才以勳有德三命曰敬老慈幼無忘賓旅四

命曰士無世官官事無攝取士必得無專殺大夫五

命曰無曲防無過

羅無有封而不告曰凡我同盟之人既盟之後言歸

于好宰孔先歸遇晉侯

史記晉獻公病行後未至

曰可無會也齊

侯不務德而勤遠略故北伐山戎南伐楚西為此會

也東略之不知西則否矣其在亂乎

在察也微誠獻公言晉將有亂

君務靖亂無勤于行晉侯乃還

齊桓公衣裳之會九

汪氏克寬曰葵邱之會乃桓霸威衰之幾鄭康成所謂桓德極而將衰也蓋自再盟幽而諸侯協存邢衛

却狄盟召陵帖楚而列國安盟首止于泚而王室寧  
及乎葵邱而極盛矣自是而後城杞之功不若城邢  
救徐之師緩于救許伐黃不邱謀鄆無成而霸業于  
是遂衰論者謂葵邱以前猶自朔至望之月葵邱以  
後猶自望至晦之月蓋由其心有勤  
怠之殊是以其功有盛衰之漸也

晉侯詭諸卒里克殺其君之子奚齊

殺公羊  
作弒

初晉獻公使荀息傅奚齊公疾召之曰以是藐諸孤  
辱在大夫其若之何稽首而對曰臣竭其股肱之力  
加之以忠貞其濟君之靈也不濟則以死繼之公卒

里克平鄭

晉大夫

以三公子之徒作亂

三公子申生  
重耳夷吾

里克

告荀息曰三怨將作秦晉輔之子將何如荀息曰死  
之里克曰無益也荀息曰吾與先君言矣不可以貳  
公羊傳獻公死奚齊立里克謂荀息曰君殺正而立  
不正廢長而立幼如之何願與子慮之荀息曰君嘗  
訊臣矣臣對曰使死者反生生  
者不愧乎其言則可謂信矣 里克知其不可與謀

遂殺奚齊于次

也 變次

宋以公子目夷

桓公庶子

為左師

宋官名

初宋桓公疾太子茲父固請曰目夷

字子魚

長且仁君

其立之公告目夷目夷曰能以國讓仁孰大焉且又

不順遂走而退公卒茲父立

是為襄公

使目夷為左師以

聽政于是宋治

目夷之後以魚為氏世為左師

辛未二年狄滅溫

注見前

蘇子叛王即狄又不能于狄狄人伐之王不救故滅

蘇子奔衛

晉里克弒其君卓及其大夫荀息

里克既殺奚齊荀息將死之人曰不如立卓子而輔之荀息立卓子以葬獻公里克殺公子卓于朝荀息

死之

家氏鉉翁曰奚齊死于喪次君臣之分未明  
車子死于既葬君臣之位已定故書法不同

秦人納晉公子夷吾于晉周公忌父

周卿士

王子黨

周大夫

會齊隰朋

齊莊公賈四世孫

立之

里克及平鄭使

屠岸夷

告重耳于狄曰國亂民擾子盍

入乎重耳辭

重耳告舅犯犯曰不可夫堅拊在始始不固本終必搖落大喪大亂之到不可

犯也重耳見使者曰父生不得供備灑掃之臣死又不敢泄喪以重其罪且辱在大夫敢辭舅犯即孤

姓字子犯

呂甥

姓瑕呂名飴甥

及卻稱

晉之公族食采于卻以色為氏

亦使

重耳受吾前後對使之詞皆不肖初去國味然重耳若然勇犯亦未必及此素穆此以重耳為仁入聽公子祭之孟先置不仁以清其中卒之河外之域未獲雖原之師已與攝詐相傾無非

為利春秋無義  
戰後時之民集  
以為生故

滿城

告夷吾于梁曰重賂秦以求入吾主子夷吾許

諾

夷吾告卻芮芮曰不可失也蓋盡國以賂外內無愛虛以求入入而後圖聚

呂甥出告

大夫

里克  
平鄭

使請君子秦

其辭曰天降禍于晉國喪亂並臻以君之靈罪人克伏其

車羣臣莫敢寧處將待君命君若不忘先君之好奪收其道遷商賈而建立之晉國其誰非君之羣隸臣

也

秦伯

德公子穆  
公任好

使公子繫弔重耳曰喪不可久時

不可失公子其圖之

重耳告舅犯舅犯曰喪人無以為實仁親以為實父死之謂何

又因以為利天下其孰能說之

重耳見使者曰父死之謂何或敢有

他志以辱君義稽顙而不拜哭而起起而不私公子



繫退弔夷吾如弔重耳之命

夷吾告卻芮芮曰公子勉之捐潔不行重賂配

德子無愛財

夷吾見使者再拜稽首起而不哭私于公子

繫曰里克與我矣吾命之田百萬平鄭與我矣吾命之田七十萬君苟輔我入且入河外列城五為君之東游津梁之上無有難急也黃金四十鎰白玉之珎六雙不敢當公子請納之左右公子繫反致命秦伯曰吾與重耳重耳仁公子繫曰不如置不仁以滑也

其中可以進退秦伯乃發兵送夷吾于晉時齊侯

聞晉亂以諸侯之師討晉及高梁

晉地今山西平陽府臨汾縣有高梁

都亦名梁墟

而還使隰朋帥師會秦師周公忌父王子黨

會齊隰朋立夷吾為晉侯

是為惠公

晉侯使平鄭聘秦且

謝綏賂

史記晉使平鄭謝秦曰始夷吾以河西地許君今幸得入立大臣曰地者先君之地君亡

在外何得擅許秦寡人爭之弗得故謝

殺里克以說

將殺里克使謂之曰微子不及此雖

然子弑二君與一大夫為子君者不亦難乎對曰不有廢也君何以與欲加之罪其無辭乎伏劍而死

平鄭在秦聞里克死請秦伯重問

厚幣也

以召呂甥卻

稱冀芮

即卻芮別邑于冀逆以為氏

出晉君入重耳秦伯許之鄭

先歸秦使冷至

秦大夫

報問且召三子冀芮曰幣重而

言甘誘我也遂殺平鄭及鄭與里克之黨

祁舉及七與大夫左

行共華右行賈華叔堅驢敬彙虎特宮山祁七與申生下軍之衆大夫也

平鄭子豹奔

秦

申壬三年王子帶以戎入寇

揚拒泉泉

皆戎邑今河南府洛陽縣南有戎城又縣西南有泉亭亦曰前城服虔曰前讀為泉

即泉戎也

伊洛之戎

諸雜戎居伊水洛水之間者

同寇京師入王城王

子帶召之也秦晉伐戎以救周晉侯平

和也

戎于王

王以戎難故討王子帶王子帶奔齊

事在四年

齊使仲孫

湫

齊大夫

入聘且言王子帶事畢不與王言歸復命曰

王怒未怠不十年王弗召也

事在五年

癸酉

四年春三月庚午日有食之

楚人滅黃

黃人恃諸侯之睦于齊不共楚職曰自郢

今湖北荊州府江陵

縣有紀南城楚熊賁徙都此一名郢城

及我九百里焉能害我楚遂滅

之殺梁傳貫之盟管仲曰江黃遠我而近楚楚為利之國也若伐而不能救無以宗諸侯矣桓公不聽

及楚滅黃桓  
公不能救

齊侯使管夷吾入聘

齊侯使管仲平戎于王王以上卿之禮饗仲仲辭曰

臣賤有司也有天子之二守國高在

國氏高氏皆齊公族世為齊上

卿高侯見前國懿仲之子曰歸父

若節時也

春秋來承王命何以禮

焉陪臣敢辭乃受下卿之禮而還

甲戌 五年齊侯宋公魯侯陳侯

宣公子穆公

衛侯鄭伯許男曹

伯會于鹹

衛地今直隸大名府開州鹹城是

諸侯會于鹹

齊桓公兵車之會二

淮夷病杞故

杞初都雍邱今河南開封杞縣

雍邱故城是後東徒淳于今山東青州府安邱縣淳于故城是

且謀王室也于是諸

侯戍京師

為戎難故齊仲孫湫致之

遂城緣陵

即營陵故城在今青州府昌樂縣

遷杞

事在六年杞于是遷緣陵其後復徙淳于

晉饑秦輸粟于晉

晉荐饑

麥木皆不熟

乞糶于秦秦伯問百里奚

史記晉滅虞虜其大

夫百里奚為秦穆公夫人媵百里奚亡秦走宛楚鄙人執之穆公聞百里奚賢以五羖羊皮贖之以歸時百里奚年已七十餘穆公與語國事與諸乎對曰天三日大悅授之國政號曰五羖大夫

災流行國家代有救災恤鄰道也平鄭子豹在秦請

伐晉秦伯曰其君是惡其民何罪于是輸粟于晉自

雍

秦都

及絳

晉都注俱見前

相繼

左傳疏雍臨渭絳臨汾渭水自雍而東至華陰入河

從河逆流而上至汾陰入汾又逆流東行而通絳

命之曰汎舟之役明年秦

饑乞糴于晉晉人弗與慶鄭

晉大夫

諫弗聽

乙亥六年沙鹿崩

沙鹿土山在今直隸大名府元城縣其西有沙鹿城

晉卜偃曰期年將有大咎幾亡國

丙子七年楚人伐徐

徐國注見前

徐即諸夏故也

齊侯宋公魯侯陳侯衛侯鄭伯許男曹伯盟于牡邱

今在

山東東昌府  
荏平縣東北

遂次于匡

今直隸大名府長垣縣  
有故匡城春秋衛邑

諸侯之

大夫救徐

盟于牡邱

齊桓公兵  
車之會三

尋蔡邱之盟且救徐也魯公孫

敖

慶父子  
孟穆伯

帥師及諸侯之大夫救徐諸侯次于匡以

待之齊師曹師伐厲

讀作賴楚與國伐之以救徐今  
湖北德安府陸州有厲鄉在厲

山下古  
厲國地

不克楚敗徐于婁林

徐邑今江南鳳陽府虹  
縣有古婁亭春秋婁林



外何以管仲不  
能舉賢自代責  
其不知似矣然  
仲之疾未嘗不  
為濕相而明之  
有人不及仲繼  
不死亦不能去  
也易牙開方  
其死那在得  
此奇人詔為師  
人多然仲何不  
印于此時珠詔

地齊又為徐伐英氏

英國注  
見前

以報婁林之役

事在  
九年

夏五月日有食之

丘傳不書日  
朔官失之也

齊大夫管夷吾卒

管仲病齊侯問曰羣臣誰可相者仲曰知臣莫若君

公曰易牙

即雍  
巫

如何對曰殺子以適君非人情不可

公曰開方

衛公子去  
其國事齊

如何對曰背親以適君非人情

難近公曰豎刁

即寺  
人詔

如何對曰自宮以適君非人情

難親仲卒齊侯不用其言卒近用三子

管子仲寢疾  
桓公問曰仲

伯謀則易牙不  
肥進而開方去  
失仲直見不及  
此母亦慮桓公  
之不已聽而反  
肥紹以斥已耶  
所以為器小所  
以為霸王

群之戰秦晉  
思田瓦頰然故  
群尚不能止秦  
因而秦逆楚晉  
侯史比稱秦伯  
肥進晉石反為

父之疾不幸不起政將安移仲未對公曰鮑叔何如  
對曰鮑叔君子也其為人好善而惡惡已甚見一惡  
終身不忘公曰然則孰可曰濕朋可朋之為人好上  
職而下問居其家不忘公門居公門不忘其家事君  
不二其心亦不忘其身其朋乎公又問仲曰臣聞之  
消息盈虛與百姓誦信然後能以國寧朋其可乎言  
終喟然歎曰天之生朋以為夷吾古也其身  
死古焉得生哉史記是歲管仲濕朋皆卒

晉侯及秦伯戰于韓

韓原在今陝西  
同州府韓城縣

獲晉侯

秦伯伐晉及韓晉侯謂慶鄭曰寇深矣若之何對曰

君實深之

晉侯之入許賂秦以河外列城五既而不  
與晉饑秦輸之粟秦饑晉閉之糴故秦伐

晉

可若何公曰不孫卜右慶鄭吉弗使乘小駟鄭入

所因志馬者  
三百人馳冒晉  
軍解其圍云云  
夫一馬豈能供  
三百人之食耶  
夫是周書附會  
大率類此

也慶鄭諫弗聽

慶鄭曰古者大事必乘其產生其水土而知其人心安其教訓而服習其

道唯所納之無不如志今乘異產及懼而變將與人易進退不可周旋不能君必悔之

逆逆秦

師使請戰戰于韓原晉戎馬還寧而止公號慶鄭慶

鄭曰悞諫違卜固敗是求又何逃焉遂去之

梁由靡御韓簡

號射為右韜秦伯將止之慶鄭以救公誤之逆失秦伯韜五嫁反迎也止獲也

秦獲晉侯

以歸晉大夫反首

亂髮下垂

拔舍

拔草舍止以示憂戚也

從之秦伯

使辭焉曰二三子何其感也寡人之從君而西也亦

晉之妖夢是踐

惠公初立孤突適下國遇共太子與戴而告之曰夷吾無禮余得請于帝

矣將以晉界秦秦將祀余對曰神不散非類民不祀  
非族君祀無乃殄乎君其圖之太子曰吾將復請七  
日新城西偏有巫者而見我焉許之速不見及期而  
往告之曰帝許我罰有罪矣敵于韓社頽曰狐突忽  
如夢而見太  
子故曰妖夢 豈敢以至晉大夫三拜稽首曰君履后

土而戴皇天皇天后土實聞君之言羣臣敢在下風

史記秦穆公亡善馬岐下野人共得而食之者三百  
餘人吏逐得欲法之公曰君子不以畜產害人吾聞  
食善馬肉不飲酒傷人乃皆賜酒而赦之三百人者  
聞秦擊晉皆求從穆公馳追晉君不能得反為所圍  
于是食善馬者三百人馳冒晉軍  
解其圍遂脫穆公而反生得晉君

王命秦伯釋晉侯晉侯歸國

王聞秦獲晉侯曰晉我同姓為請于秦秦伯夫人

夷吾

婦

聞晉侯將至乃以太子與女登臺而履薪焉使人

以免

音問

服衰經逆且告曰若晉君朝以入婢子夕

以死夕以入則朝以死唯君裁之秦伯謂其大夫曰

我得晉君以為功今天子為請夫人是憂且晉人感

憂以重我天地以要我不圖晉憂重其怒也我食吾

言背天地也重怒難犯違天不祥必歸晉君公孫枝

秦大夫

曰歸之而質其太子必得大成乃許晉平十

于秦

月晉陰飴甥

即呂甥食采于陰故曰陰飴甥

會秦伯盟于王城

秦地在

飴甥之對秦

實可謂善于

令

陝西同州府

朝邑縣東

秦伯曰晉國和乎對曰不和小人恥失

其君而悼喪其親不憚征繕以立圍也

圍惠公太子

曰必

報讎君子愛其君而知其罪不憚征繕以待秦命曰

必報德以此不和秦伯曰國謂君何對曰小人感謂

之不免君子恕以為必歸貳而執之服而舍之德莫

厚焉刑莫威焉此一役也秦可以霸納而不定廢而

不立以德為怨秦不其然秦伯曰是吾心也改館晉

侯饋七牢焉十一月晉侯歸殺慶鄭而後入是歲晉

又饑秦伯又饋之粟曰吾怨其君而矜其民

晉侯獻秦以河

西之地使太子圉為質于秦秦妻以

宗女後惠公病于圉棄其妻亡歸晉

丁丑八年春正月戊申朔隕石于宋五

星隕為石數之則五

是月六

鷓鷯水

退飛過宋都

遇迅風而退飛

時內史叔興聘于宋宋公問曰是何祥也對曰今茲

魯多大喪

公子季友公孫茲卒

明年齊有亂

齊桓公卒

君將得諸侯

而不終

事具後

齊侯宋公魯侯陳侯衛侯鄭伯許男邢侯曹伯會于淮

左傳注臨

淮郡左右

諸侯會于淮謀郟

左傳注郟為淮夷所病故

郟

且

東略也

齊桓公兵車之會四

城郟役人病有夜登邱而呼曰齊

有亂不果城而還

齊桓公主會盟自北杏始迄會淮終衣裳之會九于北杏于郟二于

幽二于程于首止于甯母于葵邱是也貫及陽穀不在此數兵車之會四于洮于鹹于牡邱于淮是也召

陵不在

此數

戊寅 九年魯滅項

今河南陳州府項城縣有故項城春秋項國



淮之會魯侯師未還而取項齊人以為討止公夫人

姜氏會齊侯于下

今山東兗州府泗水縣有下縣故城春秋魯下邑

以為請

乃歸

齊侯小白卒

齊侯之夫人三王姬徐嬴蔡姬皆無子齊侯好內內

嬖如夫人者六人長衛姬生無虧

史記作無虧詭即武孟

少衛姬

生元

即惠公

鄭姬生昭

即孝公

葛嬴生潘

即昭公

密姬生商

人

即懿公

宋華子生雍公與管仲屬昭于宋公以為太

子雍巫

即易牙

有寵于長衛姬因寺人貂

即豎刁

以薦羞

于公亦有寵公許之立無虧冬十月乙亥桓公卒易


牙與寺人貂因內寵以殺羣吏而立無虧太子昭奔

十二月乙亥赴辛巳夜殯

史記桓公病五公子各樹黨爭立及桓公卒遂

相攻桓公尸在床六十七日尸蟲出于戶

御批歷代通鑑輯覽卷四



總校官進士臣程嘉謨

校對官編修臣吳舒帷

謄錄監生臣李邦燮